

Uno ductu enumerare si conarer, maximum mihi quidem conciliarem laborem, Lecturis vero tedium. Itali porro Comitatu Convictus, facilitate, facietis Colloquijs alios antecellunt populos. Felici sæcundoque nati ingenio, supra modum prompti sunt in excogitando, & docilitate percipiendis cum litterarum studijs, tum varijs Artibus præstant incredibili: Honoris ab omni ævo & gloria sitientissimi, Laudisque præter alios adpetentes. Cum lacte voluptatem inbibentes, propensi sunt in Mollitiem; in Luxuriam proclives: in Venerem soluti. Vindictæ vehementer sunt cupidi; eamque vita ipsa jucundiores censentes: Testamentis suis mandare soliti posteris. Mulieres porro variarum Civitatum depingit scite Membrana quædam: quæ inter alia, hæc habet: *Senenses*, pulchræ: *Florentina*, delicatæ: *Perusina*, elegantes: *Cajetana*, formosæ: *Consentina*, obstinatæ: *Beneventana*, rusticæ: *Bononienses*, arrogantiumculæ: *Mutinenses*, benignæ: *Cesenate*, rapaces: *Genuenses*, salaces: *Cremenses*, fallaces: *Placentina*, difficiles: *Lucenses*, castæ: *Pistorienses*, faciles: *Romana*, graves: *Capuana*, luperbæ: *Neapolitana*, sollicitæ: *Brundisina*, inertes: *Ferrarienses*, avidæ: *Ravennates*, humanæ: *Urbinate*, admirabiles: *Vincentina*, constantes: *Parmenses*, avaræ: *Papienses*, lucri-cupidæ: *Mediolanenses*, urbanæ: *Pedemontana*, procaces: *Veneta*, petulantes: *Veronenses*, gratiosæ: *Brixiana*, diligentes: *Formiana*, speciosæ: *Laudenses*, superstitiosæ: *Cremonenses*, sumtuosæ: *Tarvisiana*, zelotypæ: *Bergomates*, astutæ: *Aretina*, tenaces: *Puteolana*, bellæ. Itali vero quomdam multis magnisque superstitionibus ad stuporem usque leguntur fuisse dediti. Hodie Sacrorum Ceremonias ex Romanæ Ecclesiæ præscripto atque institutione religiosissime observant omnes: nisi quod in Australiore Italia pauci Græcorum sequantur ritus, & ipsi quidem Græci generis. Quam autem quomdam bellicosi fuerint Itali Militiæque dediti, loquitur subactus ab ijs Orbis Terrarum: canente ad gloriam hanc classicum Romano. Quales in re Militari plerique sint Itali, quæque ad Expeditiones feliciter suscipiendas conficiundasque singuli conferant, quibus denique hi, quam illi magis valeant præstentque, docet eleganter Membrana, quam dixi, hoc modo: In re Bellica *Perusini*, strenui: *Calabri*, præcipites: *Spoletani*, callidi: *Senenses*, felices: *Bononienses*, efferti: *Neapolitani*, animosi: *Farentini*, hosti instantes: *Pratenses*, sacrilegi: *Collenses*, libidinosi: *Piceni*, rapaces: *Amiliani*, inconsulti: *Placentini*, crudeles: *Romani*, truces: *Mediolanenses*, intrepidi: *Romani*, fortes: *Vincen-
tini*, vindictæ cupidi: *Pistorienses*, sanguinei: *Papienses*, firmi. Ad Rem Bellicam conferunt *Veneti*, pecunias: *Mediolanenses*, Caleas: *Placentini*, Carros: *Cremonenses*, Tentoria: *Papienses*, Lanceas: *Pistorienses*, Pugiones: *Bononienses*, Arundines: *Florentini*..... *Romani*, perseverantiam: *Ferrarienses*, Tormenta: *Neapolitani*, Equos: